

KOTAVUSA VIRDA

KOTAVUSA VIRDA VESTASA VA TAMAVA IS ARAYEEM MU AYIKEEM

Kotava, tela tamefa golerava
Va ina kosmac !!

Bareaksat ke 2024
17^e otuk



Blira sareon
gu Abdiizvugal



Kotavusa Virda Vestasa


Raymond Rodriguet

ORETLIK
KOE ALTO





Blira sareon gu Abdiizvugal



Blira sareon gu Abdiizvugal...


1. *Xeka va ayik towasir*
2. *Kaba kum inta is brind kum frukti*
3. *Tey ke kelt*
4. *Levrotira va tey*
5. *Rob ke tuwava*
6. *Sulem iksen*
7. *Pirtuca ke tcabanesik*
8. *Brova ke onasik*
9. *Batinde diola vanbliyir*
10. *Selasik is tcobasik*
11. *Gandura va veel*
12. *Arula is brava*
13. *Ageltucafa mona*
14. *Yambudik ke arula*
15. *Ruzadera va aalxopo*
16. *Tukwayan dunol*
17. *Taneaf tawadayik*
18. *Guemik mo bira*
19. *Kawaxo dem frukti*
20. *Raporey is ckant is kepaitakiraf gaest*
21. *Vegeduropik va ctake*
22. *Ayik ke lut az iyekot az azil*
23. *Mali wida kali ralma*

Xeka va ayik towasir

Va int bak muvugal gestil. Moo gozasa keldanya lanil. Kerafe is ebeltafe tcalute va rinafa gestara vluped nume laneckel da koe aala me di eglul. Pestel kalaf, musedon. Wori keldafa regalama va rin me nendoyed... Vukuda va rin bakar kiren tan uul kaiknir. Tite bata wikanda, konake wikande tid. Sinaf cot tir gedelaf voxen va kulduk gonempal. Pizauxa ke xala ke eyelt dimlicawer nume dratcer da en fu nyuwer. Bexe til djastaf is wergus. Anamdisukeson, va lani dri kosmar, i va dri pwertafi dum kramtenye. Kas ervayafa myelga rinon olegana me tir ? Kan abic madjaf is oblif vord (va gelt obral !!), rotexaf uul zo selur azen wikande zo fenkud azen pizauxa zo titaplatickir. Bat myelgadri sotir taneafa xeka ke xantumaf ayik.

Grupeik is rawopik is ayopik flided ise dile mijed enide gruped ba tok gemeltack bak abrotcifa ayastuva, va Ayik tere ropulvit. Ayik mali xeka krulder ! Vielu tisik va kona xeka olegayar aze kotviele faveyer, dum rin sure, pune vanpiyir *Homo habilis* ayik oku *Homo faber*. Ana taneafa xeka weti toloya ok baroya ok balemoya ok dace aluboya celemda, to tickir rilafe ye inon tredune. Koni dri gickini koe nuba is dralafi gu kota favera, i gu nyofara va ari raporki ok intaki ik empara va wikande ik selura va enga ik arbera va kuldooy... Kotafa ayafa raba va bati dri malfir, i va bata taneafa xeka tukiewatana is senutuna gan *Australopithecus* ayik. Treduson va bate ye, *Australopithecus* ayik va enekef djobal ixam egayar.

Tegis tculk vamoe Serengeti azeka koe ronefa Afrika tigid. Taneaf *Homo habilis* ayik va nokol laited aze kan raporki aytad, i va sebadadunolam lumaf dum bilotol. Vrek is kirka kum gama va yasa ixam bravad ise nendad.





Homo habilis ayik ontinaf gu 1.40 m-, va rilafi dri tid pwertarsafi is gamiarsafi gu nubara is medrikafi gu gira dile fiecur. Kevkabuson va dripi gu pistaf sid, va ini arber nume va yoni ki dem gabesa stona malseotar.



Dri sotir tamefa xeka mu *Australopithecus* ayik azu *Homo habilis*. Va kotcoba zanudar : ta rojura ik tcabanera, is ta arbera va wageye kayestane moe piluda. Oc va wageyeda ulid. Krimta va rob ke siday isu bira firvir.

Ayik is sulem sotid vuwaf : va mil kayestaks blidad. Batize lan *Homo habilis* ayik va rozokoltum gu bilke lyumar, Malplatitison, inaf dositik kev jidol va dri kabud. Xeka vanpir kabuxa.



Deinotherium veyfuzol kimon ice meila is aala su awalker. Atela tori konaka safta tir ! Walzeyenon gan turci anametalasi vamoe awalkoda, *Homo habilis* ayik su artlanid. Va sulem kan roidasiyini dri basalmad.

India welfa va sutkaf kuldoy moe piluda divgir. Ton ware loribiegaf yal, to bat granaf odayol xeyeyes tir. Celkatason, *Australopithecus* ayik va kuld dem remgabesa doma faved. Sin tid tana taneafa xeka !





Kaba kum inta is brind kum frukti

Mal dri nokodayani kev raporka num roidayas, kal gaba disa va dovoraf is gotuyun tazuk, yona vuntda al tiskid. Bata lugavafa viuca ke ckanefa abduxa zo rodiver. *Australopithecus* ayik azu *Homo habilis* azu *Homo erectus* (*Pithecanthropus* is *Sinanthropus* is *Mauer* ayik...) abicote tid tcastapaf koe tamava. Riaf tum dem abic olkik tid bumaf arte divatcepe. Blira tir wupesa is trelafa. Ckanefa djasta ta lokiewafa tcabanera is deksaca ta divgaberanya va fruktiki medrikon zo remzilid. Kas ayik grupulvir enide lokiewon grugoler ise ropebur ? Dikeke ta tavera pu milkatcik ok «jotik». Batdume durefa az girefa gandura nope meamuzera dun tid adrafa. Vayara va bat lekeugal nover da va zolouca ke avot num inafa tavera lokiewon vangrupet. Tukeon, ayik tatcer da mal nede dun goginuyur.

Weti celemda, bata rindera va lani fruktiki ta nyofaranya ixam tir welkafi neki ke enekafa motaelara ke ayik. *Homo erectus* ayik va bata elega al narar aze fuxetolon al nokodar, lumon ice intafa nubama (intafe rane anton tir vas 1.50 m-). Tokinde va bati ki fu divgaber enide va olegana gabexa is rokonubana ekwa di mal-seotar ?

Enide divgabena elega di vanpir tulon soyorekorafa gabacka, pune konaka vuntda gotitid. Tere, arti yon adref greelt (yoltayan gu *Olduvai* sare azu *Abbeville* azu *Clacton* azu *Acheul* azk-) gan abdiizvopik, ayik va kotunafa gaba malseotar, i va azekafa is glabafa gaba dem gemaf ilbodeks : soyorekoraca keskotafa is gaelmumimafa. *Homo erectus* ayik va bata trumafa divgabera puvegur. Yambudik vanpir yambik.

Muva va ecor ke Olduvai koe ronefa Afrika wan konipir. Troskol va int ulidinad. *Homo erectus* ayik gruped kane va sin ka-trasitid. Uleon va ugota kayestad. Toloy va gamiafi dri celkad... (*Nakila ke toluyu bu va Homo erectus atoed.*)



Fruktifa elega toz zo tazukar. Kan yon oblif is adref vord, lana gabexa toz awir. Elegu fu vanpir soyorekorafa gaba yoltkirafa gu brind tis « tamefa » xeka dakisa ya nuba is rodetazesa ik roselusa ik rotabovesa...



Myelgapa kum rapor va gijaf is suyaf ilbodeks daskir. Kan drim kum inta, yambudik va pinaf is azekaf ilbodeks volson malseotar. Va brind tuvertar, va poaf tazuk daskir. Jotik kaldisuked... nume raved.



Weda va ayik is sulem vanimpar. Moukolap banliz sielon ulidinad. Ayik gruped nume pitcad. Kan teyayana gama is kizoyura is abrotcafa kaba dratcesa, va bat granaf govitol kovudar numaze van weda platir.



Garnaf govitol adre kodiblawer. Ton tanoya empayana inia, troskol kotit drem vion flaydur. *Homo erectus* ayik vanlanid, va kaba kougad liz rotaskid, ko fenkuyuna gariza, ko ita, ko eliwa...

Troskol mo sid su zo impar. Basalmara zo tozur. Kan mantafa fruktifa roida, tcabanesik va bat sulemap basalmad. Va mantafi cotki malgabad. Talteon lantan va almaki iliksantur. Atela mo luwin tey solzawer. Remi abrotcifa safta, greelt va intafo « cobxo » rosaveter. Kaba kum inta is brind kum frukti va kogestusa enja ilfir.





Tey ke kelt

Raymond Dart bak 1924 va taneaf *Australopithecus* ayik koe raporxo ke Taung koe refa Botswana ke Geefa Afrika kosmayar. Bak 1947 va konaki warzafi yupki koe Makapansgat koe Transvaal gola kayestar. Bat yupolk tiyid otson tuebeltayan. Kas tiyid niska tcalayana gan tey ? Gan tey weti tol-celemda ok bar-celemda ! Kas bat *Australopithecus* ayik gu ambik co zo roorigiyir ? Ovopon : ayik = tey ise volon. Adim tere me. Niska gan valo ke azil zo tuebeltayad. Tire levrotira va tey kaikion dilizeyer, weti mon alub-vuntada (sedme ref sok ke minafa gruperu isu kosmara). Kosmara va tey azu malsavera isu videra azu kevseotara tid jontik greelt wavdon rosoltrakun. Delafi rawopafi vargi wan tid riapafi.

Vamoion dene *Neandertal* ayik, va teyak dem derackafe raporafe anambe is guboy bene niskaki gedeyayani gan tey is anteyayani fruktiki trasit.

Taneaf tey va tuwava somalstir. Mayesis tey govanlanin enide zo rofelir. Warzera va tey di tir pelkaf kosmaks. A tey, europafa ruga ke yon oprugal me co zo frofayar.

Batugale, losavsaf grupen teyak tid guazaf vas 500 000 tanda, koe Vertesszolos koe Magyara. Tid ke *Homo erectus* ayik (tanoy takom vanmie senuyuni dri zo trasiyir).

Xefto va meila koafiir. Werdap lokalion dam granafa galketa burme-wed, Putcol is uzekol is kustral otced. Voxis ayik kuncasin gan dagafa vultera. Abicedje undeteson is lasunaruson vukid. En tid ayik. (*Nakila ke toloyu bu va Homo erectus atoed.*)



Teyka su remostid aze grunkaweyed. Koe apkayana meila, ayikya is rumeik va awalkoda ke pustayan putcol koe anteyayan werd kosmad. Cotki drikon a gabesi dri zo iliksantud. Sulem va warzafa minta dir. Baroy *Homo erectus* ayik va gama luxeon konarid, i va gama lize beneon teyka wan vulted. Bat pestalen idul is « awalt » gin arte ma tid divulaf, i awalt zekawes is vumbes az vilas va gama...

Yazidaf soist va Sandiman tculk isu Arusha isu Kilimanjaro divnipid, is va kotar runkaf tculk ke tamava. Kottan otcer. Lanviele ayik va gama kev bat teybost koafiayar. Va kimi dubier. Tey me tir kevelik vols delvejansaf dikanik.

Aalafa meila sumeon anteyawer, firdeyena gan gleba. Ayik va anamkafa kirka bulud aze va venta vanticlanid, dizveson va disukexa. Taneakaf ayik sotir rililaf. Grupera is opa kan rilituca zo tozud.



« Idulafa » gama ke awalt va agafa gama zilina ton sinka vumbed. Ayik va zae is cot ke wivga malestur. Gama gan teyka dere zo estud. Mela al tenanteyawer voxen « tey » wan blir.







Levrotira va tey

« Kiewafi seri » tid, i tulon *Tichorinus* beicekol ordaf gu fentafa lidawicka. « Rotafi seri » luxeon tir ordafi gu mecoba : koe idulxo lidam fentxo blir, koe azeka lidam meftava, koe meila lidam aala. Diepilet, teli lorotafi seri enwe tir ayik. Voxen ayafa katca va ara kira sodir, i va kira lozolonapafa : va po ke tuwava grufelir ise mu int tukwar. Satcon tey tiyir, weti 500 000 tanda. Taneon tir govitaf is nekiyis mal gleba ik yazidafa traspuxa, adre gan ayik zo vider ise zo stujer. Tokinde ayikya vanpir susik ? Kas tana va bati idulafi is koafisi awaltki gorubar ise gogublisar ? Tey tir po ta burmera va atela is treduyune zae. Voxen drume bata teyka kabelcasa va staba, ayik raver ise rabater ise dizver.. Teyka va bati gamaki ton akricu dum rapor al tuolgar. Teyka ke ironokaf fird va sulemeem don telyon locrakef al kovudar.

Jontikedje tiys bulaf is eaftaf remi yona decitda, tey va radeya az maya az opelafa vuda nekiyir. Moni teveafa ik alubeafa kunda, tey tuyastawer ise zo grinuyar aze oleganon rotir zo giwarzer, nume ta kumaskira va ayik banvielu zo malsaver. Vanpir pelaca is dace rojuxa ke tcabanesik.

Pilkomodayat da *Neandertal* ayik va ayackaf adaleem sodiyir. In va awalkik gikotawayar. Va taneafa miga reduyur. Va seltafa voda pu ebava kristeyer.

Poke teyak is solzaks bene fokev tis kwafa malsavera va tey, bat guazaf yambudik (*Homo erectus* ayik) klaaf gu bar-sanda ok balem-sanda, va akricuotsa ok kabotsa kev reliez tuolgar, i va otsa nyofayana kan fruktifi abovesiki.



Vanawalt ok nom ? Teniskafi dili mo abica anamkafa kirka ke *Homo erectus* ayik divlizer. Suxik va teyakeem aname kenibesa wida kiewagir.



Kabdue kina dem arula, *Neanderta* ayik va tcabanerinda prilad. Geaki ke avot va mogolera nover. Abrotcafa kaba tid gadiafa. Tilerda zo koteyar isen buresik kan get va ota dem rupol patar.

Blira ba miel ke mela me nonawer. Sulem va ujiwa ok kuksa Jlitison kallanid. Digdatol mwarned. Krapoldunol tcabaned, anjeson va loras werdap. Tilerda gan *Homo erectus* zo ploted nume va snavol otcesid

Tuke tukwayan tey, *Neanderta* ayik rem olgapafa lidawicka ke ironokaf oprugal roderembliyr uga e ruga is taiga aala xultuyud. Tey arte wexukirafa tilerda zo gestar nume va aneyara va brava ko tapedafa arula nover. Dile ayik va eicik kakever ! Va bata rupoloya is jotaf oceem, tu on. Ina gan tilerda zo tuwiiskar aze gan intafu akricu tuolgayanu kan tey zo remrur nume ten zertur. Tcabanesk gan inafa gjarotifa inia me zo rotuzad, iyumara tire tir memilafa.





Rob ke tuwava

« Tokkane a beta xeka roblit ise rola tet ? Remi yona vuntda, veyayik az ayik soe vaon lajufianded. Weti abica sanda, Mary Leakey koe Tanzania va toloya rilafa nela «um rapor trasiyina koe Laetoli nediyr. Banlize moe tculkafo guboyxo evlon gu 3500 000 tanda, va koinga ke *Australopithecus* veyayik dositasa va telyona ke putcol isu *dinothierium* veyfuzol al kosmayar. Bata nela gan nuba ke ayik me zo divgabeyed : tiyid « tuwavafa ». Bantode kas ambik ke *Homo faber* ayik va xeka men grupeyer ? Malaskison va tula ke anamedaf sulem, *Australopithecus* katicik is *Homo habilis* ayik va kotcoba rodafuna gan tuwava treduyud ise kayestayad ise vestayad...

Dinothierium veyfuzol kan titlivaf talgaveem joxayar ise va tawa treyer enide va zae divtawayar. Pinaf lagomyx dunol va balikeks dace tadleyer ! Warolara va govitaf it is tredura va kuld is axlera va yoni atelaki kev d'gdatol k fliwafi zveri, belcon tiyid rob mu taneaf ayik. Bantan koe siudasa s viakusa anameda dem sulemafi is ruxafi bli ware abicote tiyid nume nope ae me awalkeyed. Kabdion rovodizveyet da tuke san-lerdoy warolas viel, lan Hottentot saneik rubas cane Kalahari letaxo decemkon rolapteyed ! Bat greltik me aelawalked. Sinafa vieleafa malestasa vertuma tir vas 2140 ka oria. Dolunenon, koe taltefa Europa, kon milgik mialukaf gu klaa is aldo va 2200 kaloria raweyackar !

Koe danmarkafa weda ke Maglemose moni -7000 AGJ-, ayik moe drimazekos blid. Kirka koe aala gu dirdataf almuk zo besad. Valey onara, kuldoy cugote zo waroad. (Va otsa ke granafa ezba dem kuld rowit. Beta tir *kjokkenmoeding*).



Lotaneakafa kayestara tid va ilt s voja is paluk is zae. Batlize ayikya va sebadadunolam anameon vultes dizved. Bat *Iagomyx* sulem va zae dere alpad is va balikeks ko tawaz ton cadimaj beded. Kan uulkirafi intaki, i kan krevanto tiso taneafa xeka ta nyofara va tawa, *Homo erectus* ayik va tawaz tsaxad aze va zae kabelcayane gan sebadadunol tredud.

Kayestara va tuwaf webektumap tir wemtafa, moni -5000 AGJ-. Colk leve ksant kan teca bupra zo gabed, i kan opelafa ridja kum inta dem kougayani talgokorafi fruktiki. Ilksantutuson va olk, ayikya va colk kev mebast basfayar.

Krimtaf rob tid akenaf. Voxen rawopafa wazdexa tid nafa kiren domega direkeon jontiktode ataleweyed. Bat kayestasik ke Asturias gola kene krimta ke Atlantika welfa moni -6000 AGJ- va *Pateia* kuldoy kan istorafa skuma ilksantud.



Kota coyunta va aptolafa yestara sopur. Weti 3000 tanda, krimtik ke Balta bira moe piluda, va eribaki dem jemakafa tcaza ta epura va marda is flex kayestad. Gu elega kum kawodaf eip alban gan bonoltum moorted. Bata elega male Karpatos jaka tid. Meftavik kan guema katit Wisla bost vaon al remoured. Va eriba ika eip i Moortera tir merizera va kaza rovod kad gisa va warzeks. Batlize va tapega ika favlaca...





Sulem iksen

Deolon lanison, *Australopithecus* vuwayik is *Homo habilis* ayik va awakaf sulem kosmad Batkane sinkarud, mali ruxatorafa malestusa vertuma ke aala kali tela blottorafa ke meila. Bana soe ware tir kayestara lodam ageltucafa tcabanera.

Elupkafa uzerara va tuwava is sulemafa tamava kalion nedir da lana gola tid zeitafa gu onkara va wivga. Icde sulem lidam ayik, walta rosokid : jontikviele me xonukesid voxe fereon tuyalestad. Tulon weda va dempa nekid, dum moe azekexa ke Vieja Castilla koe Torralba ik Ambrona. Fuzo ulitison lanid voxe koon flaydud. Aldo ke bat moukolap tir vas aluboy decitor ! Numen in va int me ajugrifuner. Ayik va mana tuyalestara dere ronekir ; kan kizoyu, kan tilerda is akricu, va gamiaf gulol kovudad ise van weda doimpad !

Moe kadoma ke kalkafa azekexa, sulem ticu kiria iped, volins empason va inia. Ar ko groya griawid. Koe lan dwist vamoe arula ke « *Baroy berik* » koe Ar ège gola ke refa Franca, tanoy gartolap isu bedakol isu idatcol is yon bresitol is konak jotaf rupol is tanoy narmol isu manyevol ko titsuyafa arula lubed se me royated. Batmane ikse gan ayik zo kaaneyayad nume dace zo askedayad. Iksesa tcabanera va gijafa tegisa tcabanera abdifir. Voxe va donafa sugara ixam levaykar. Laiteteson va kon su em ok kaikion suxatason va kela isu egatason, konaktan gotid. Ede olkik tir bumaf, pune koe plabafa tamava me roremblir.

Laitera va weda artlanir. Fuzol flaydus ko drem va int me rotunuyar. Tan *Homo erectus* ayik nokieyen dere vanludevawer. Kotlizu ayikam dildud, Tanara va po askir. Batkane va gu af sulem fu maed.




Weimaf gretnaks ke Combarelles arula (koe Dordogne utca koe Franca) va bata nakila rotir divrozar. *Cro-Magnon* ayik kovudad ise va bedakol onkad. Va sin van kela dem kougayanu akricu ton remay. Caesar va bate ckane kapdue Alesia malsaveter !



Kan gartolafo zarevo wetce leakom, *Neandertal* ayik va kelapa porton suxad. Tawa ke taneafe metre wan tir tapayana. Moe ludev sid tir loon bayaf numen konaku uulkorafu akricu zo rokougad. Ikse tir gadiafe !

Bate ye iksantuyune gu leitafa refema tid fixuxa. Bata kabuxa anam inieem ke okol tanameyawer nume arber.



Kela reme binca kal weda al zo rundanyar. Sulemie ba nom tauled. *Neandertal* ayik dem tilerda koe nuba iped. Mo akricu abdiegayanu gan tcabanesik, baynakiraf bercekol va int volins su kokoar.

Niaux arula (koe Pirineos rodega koe Franca) kenrone Vic-dessos ecor tigr, lente *La Vache* arula. *Madeleine* sareik moni -10000 va peya storlayana gu wexu valeve resta al kougad. Batkane va zveri gralomed.





Pirtuca ke tcabanesik

Koe talteka wali bar-saneafa decemda isu saneafa, bedakol tir leca ke tcabanera. Va « Bedakolugal » dace dile pulvit. Inafo aldo tir vas 200 kg- nume va sutkafa atela vas 100 kg- tiskar. Yambudik ke Madeleine sare va niska is barma ta epura va ervo is xeka, is va zwart is nogla ta epura va delafa gluyaxa di malsaver.

Bedakol dene govitafa milkava dem konak decemoy olkik plid ise tid wivga fakafa gu tcabanera. Tid loote dam tcabanesik ke Madeleine sare (u dinena ota tir vas cugon 500 000 ayik moe varafo tawavo ke refa Franca). Bat su em kev niskafi tugasitas ki ik kabusiko ik feyena peya ton leca ke fikuntafa tcabanera, gilton zo gretcayar oke zo balumayar solve keve dzeta ke yunkeyena arula apictode awir. Breuil gertik va prapafa pebura z liyir : « Bedakol jontikote tiy r isen tcabanera tiyir drikafa, batdume meka tcabanesa diolaca ta vangira fiste tiyir. . ».

Volson gartol gan ayik ke Madeleine sare jontik-viele zo zovdayar oke zo gretcayar ; inaf volaks vas loon bareaca ke kaatoen sulemeem paton tid, trabe loon dam okol. Tcabanes k tiyir siakraf gu po is gijarotuca ke gartol is gu strafe kalie ke okol. Vas 1500 kg-, gartol dere tiyir tciamaf « tamef sulem ». Valey sutkaf cot, va sum kobedeyen koe ralk vas konake sanoye decitgrame tiskar, tode moekote muvugalon zo aykar. Batcoba va balikeks tori pokex fentugal tadler.

« Ke bedako , kotcoba tior kiewafa. » Okilik va bedakol basalmar aze va norka is barma tisa donafa ugota muber, Kabdue buta, Madeleine sarekya va veyna tugad ad. Batlize rowit kane va refema abrotcafa vas 20 m- gu almaki vas 2 m- malseotat.

(Nakileem ke batu jontolafu bu va Cro-Magnon ayik kaatoer.)



Ba miel tcabanesik va bedakol basalmad. Cotafa refema vamoe teyka solzad : atela vikizeyena jontikedje di zo rovider. Barma is niska va taksul is uul is veel di tiskad. Abica veyna pu idatcol zo kapud, grewatason gu sinafa pomara !



Sulem gu lanyeyeem zo tuvlardar. Azen jivot gu yepe zo djer. Gamion baltayanon, awalkoda ko kalafas fentunafa ora ke so st zo levavekar lize cadimcekon di videwer. Lan ayezok dem barma va tcalutera va vask ke wivga di nover.

Aldo ke melmakol tir vas 6 ik 10 decitor ! To inafa po nek axuca. Batize koe weda cane fentafa taiga aala is rugapa poke ulidinasa kuksa, melmakol flaydur. Guazokilik ke tum gan tcabanesik su zo laiter aze ko weda zo tubumar. Ayik dadis va abrotcafa kaba arte lana tarkasa so uma kecked. Viele arti lyumara va dibla melmakol diton puskewer, pune ipeted. Idatcol va durefa durga al pezid nume vanvulted aze dere ked.



Idatcol, gire idatcol ! Jontiktode tir mekuranaf pelik ke ayk. Va bedakoltum koe ruga laiter. Trakiraf tcabanesik va int divvaskad aze va eiwa ke sulem teekad, narason va bedakoloc dis va sutkaf cot.



Brova ke onasik

Baliera va sulem ta malestura tir muka ke tcabanera is onara. Larde bedakol givulter kalion lion dam termil puer, pune batcoba tir mila wavduca tove gralomesik. Batdume remi yona decitda, zminta is niskaduul arte ridja is frukti-uul arte ridja kum inta ok edgarda s kando dem sollipasa sulga ta tcabanera idam onara zo faveyed. Ckane pilkovafe gu onara to bak oxam *Madeleine* sare awiyid : rontaf az livaf niskaduul tutigackayan vanpid soyaci. Iriga dem toloy uul az sulgakirafa zminta toz zo zanudad.

Radimi « dar gapa » ke -10000 AGJ-, inde koe Maglenose koe Danemarka rowit, vemik ke uzda is weda va gedrapafa aalinda ta askedara va ikseda ik oblaxa ik kabaykse malsaved, i va tulon dieka. Sperela ke weda va batmanyon tralt a videcker. Don onasa dona kaikion awiyisa, ayik va varafa proza milafa gu tela batugale favena dadir... kotviele rogalomen kabay wan tir ! Tazuk me zo betayad, voldum ugota : azilfem va ksewa ke ikseda ikaplekur isen azaka va niskada ke soyaci !

Kle wit da onase ckane al zo betamad, nume wan tid yalestafe ik dace diliodafe. Batcoba tir amidapafa gu tcabanese ckane dure betane is gupoane, laninde gejafamafe !

Tcabanera dere co zavzayar diliodafa lion dam conyokonara ede abdi Izvugal warzafa wivginda me zo trasiyir, i miv ayik.

Koe Pindal ceda (tgisu vaiente refa Espana kene Asturias gola), arestafa dzeta ranyed. Tite lana zikayena arula kabdue Atlantika welfa, onasik va wayka adalafa gu medotolmilaf gepujek kan iriga kandoad.

(Nakileem ke batu jontolafu bu va Cro-Magnon ayik kaatoer.)






Moni 8000 AGJ-, bat onasik va « gatcexo » va kabay valeve pistaf ticuk a inked. Daljek zo ludzed aze gu koepak zo tuvlardad sen stoneem zo maltiolter. Seotana gabriyexa ben mebast vamoe kiewagickin tey zo rumkad. Lava mo intayeld kum tajda ok persa zo mimar, nekitison va jontik vikiz. Kabay di zo turodar nume gu nefta s beza zo nendoyer nume remi cadimcek di videwer

Bate sardikye ke gola kene uzda koe Alp rodega va conyok rinder : walbuyun dri va « digxa » zanudar isen feyeni almukki va « ezaxa » tadled. Soyacı kum niskada feyenen zo titckeyed : men tid dem sulguul.


Bat ayik traltiskon onad : va daljek koe soist ke Vicedessos go a kan nuba gralomed. Putcam ke daljek va epura va flek d zanudad. Katicemon koe Niaux yambudik va daljek kev kuritca ke arula gretcayad.



Larde voa tir mantarsafa is titsuyarsafa nume me zo rotoqlar, onasik va ikseda kum ksewa batize faved. Sina zo levlavekad, ton remak lente salt. Kabay koniyis me rodipujed.

Ikseda beetckoron inkeyena va voa oblud. Ironokafa ikseda va ikse buder kabay drikon d zo narid. Koe entefa azeka, wida dem anamkafa kirka blidasa va onara kene weda zo inked.





Batinde diola vanbliyir

Tcabanesik va melmakol is gartol is okol is deaxelol keve dzeta ke ilsuyafa arula zovdayad ike lingeyed ike gretcayad. Tire lanbat tcabanesik tu yambik va katoera va batyon sulem puvegud. Voxen tore sinaf grabom don telyon rotakaf, va elimaf mukot is salafa lazava dikiyid : batcoba tyir loon dam zovdaks ok lingeks, tyir redura va di int sulem, tyir favafa is blifa zatcara ke redusa diolura. Batinde lana miga vanblir

Koe arulapa ke Niaux koe Pirineos rodega, tcabanesik va ribiegaf gartol skuyun gan « Feliapik » ke arula mafelad. Ve koswanon, lantan va zova narir aze kan ebeltafa conyukara kum manirtel va tanoya az toloya az baroya tceka awalko on « bakasa » va sulem zovdar. Dositik permud Gartol zo aytar, wivga batlize tigr, gadiafa ta tcunke. To batinde warzafa miga tır : diola va govitol zanudatas va tor al vilar.

Keve dzeta ke arula ke Rouffignac, konak melmakol zo kaatoeyed : toloy va arula kolanid, toloy ar do tanoy oc divlanid. Ban oc koe arula « kobliyr » : batcoba ware tır to diolura ! Bata miga va vuda doalied se va okiewafa tcabanera noved.

Kabdue balumayana krexax dem okolap koe Cap-Blanc arula, is kabdue kud,otya ke Laussel koe Beune krant (Périgord gola koe refa Franca), wırdama tıd. Arse rogestat da prilara is dank is stute kabdue batyona krexax isu balumaks dilizyed. Taneafa « wenya » dem diolafa is alkafa dandara, tite batyona kırıa rotır vanbliyr.

Bat Cro-Magnon tcabanesik va eaftafe stute kabdue proyikeem ke grelt is yona ayıkya isu sardik mopoyed. Kankum varka va int al mastud ise ton sulem al efud ise va kapa ploted Bata nakila tır ageltodafa nekev abıc grupekx novex va mana dımtadlera.



Abdi tcabanesa brinugapa, bat Neandertal ayık koe kuksa kotrafa gu varka moi xeftocek va int kolavad. Va dibla aboved aze va alto guon storlad : nariyson va uka ke tawa, va wivga lodrikon kle di rovanianid. Sulem va bat abigaf tisik wupesis nek tolinion lanis toz rodaxad ! Arti ba em kunda, keyulubesikius.kaf sayakk va mastus kraimo.koraf vageem vanikatcutud : vanlanitison nek mewitinon dere int zanudad ; lan nelkotap ta tcabanera is doalera !

Koe arula ke Toirano (koe uguna koe refa Italia), Neandertal ayık plotes va tierda va bat divulaf pistok su kosmad. In vas kon sulem preyutas koe izga vektackar. Gu kuritcafi, fixu aboveni sol sid zo aorar. Kuritca ben pistok wan kruwer. .



Gabotese ckane tir savsafe ! Kan skotcesa afida ke sumgum, bat Madeleine sarek va nuba kev pistok ke arula aykar. Va ling kum kerafa varka putcegar aze va nuba maplekur. To akoy-dara ! Ling bene dzeta zavzagir !



Neandertal guazaf ayık su awalker. Tiyr oxam balem-sandaf ! Kan zarevo ke gartol ton eakom, dositk va n do intaf imizxeem kotawad : batkane in koe kaikifa tamava wan rotcapaneter. Azon va naboxa gu raporkipi besad. Digdatol me rovodurgatad.





Selasik is tcobasik

Selaropafa ik tcobasa tegira tid abdipifa gu kotavera ke gadikye ke selaropa, i ke Ippokrates ellasaf sposaf selaropik (V-eafa - IV-eafa decemda AGJ-)! Mali Aurignac sare, moni -30000 AGJ-, ayik va kurkefa pilkoda ke kuritca is varka nugupeyer. Tire, kuritca vas blixama is vebdi dog skir, i vas rulda tkisa va kiazasi ik onugesisa roti num malsavepena. Kolavara koe dibla tid lana teca rembisaca. Kuritca va a to sovider ise va zaxara lyumar ; dzeta ke naboxa gu varka (ruldasa vas kur tca) zo storlayad, kiren batcoba ta nendoyera va awalkoda ke awa kik lodam malaskira va forteym ga (vaska jontiktode tir kerafa) rotiyir. Nuba buxayana gan tapera az rubia- yana kev dzeta ke arula ke Gargas (koe refa Franca), ta kiazara is fraskera gu varka zo storlayad. Tod kevplekura va nuba mo pist, gatcera tir lodrikafa...

Oriafera mali bareafa decitda AGJ- zo skur ise jontiktode tcedeyer. Lana oria batugale videna koe Cluj (Romania) taneatomon zo oriafeyer, ta ape fraskera va kona oriawolga. Warzafa niskafa laumara nuvrutar da akolik di mobliyr. Voxazen igult gin nutiyir numen toleafa oriafera poke tela taneafa zo skuyur. Numazen vedulesik gire mobliyr ! Mane deksafe tcobase ckane ! Mana bliuca ke akolik ! Kas me roguzekat da lana swavakola va oriafera co plataeyed ? Fenkuson va orak, tcobas k rotir trakuyur da batkane va yatera ke swavaja jupayar...

Tcabanesik ke Gargas va nubeem vimon buxayan sotced. Jontiki wegri nope eafaf tapeks al lubed. Vandilitison va kranavera is tukuvatason va onugera, « diolik » va nubeem gu varka bumber.



Kabdue arula koe taltefa gola ke refa Jazaira, diolik kan fruktifi luz kasiki is poldesiki va ticesebadeem ke vedulesik kojoar. Va neki ke bata miga megrupet Rotir ta brostara ?



Oriafera tir gorestafa tcobara ise tici Gelkef Raporugal giton zo sopur. Tcobasik va kranavuta kan luzikasiki kimar. Va oria di fur aze va anamkun dum teli bene skunden so impar. Acolesik di moblir isen eepta di onuger.



Caxa ke okiik koe Sungur koe refa Moskva vema. Kela suxayana koe buxa ke Klyazma kuksa gu kerafa varka zo storlar : batcoba tir nendasa miga kiren kuritca sovider... Awalkik tiskis va kuldoayafa ingaxa do intaf .mizxeem zo kotawar.

Kan fruktifa xeka tukerayana kan tey dem nupelt kum wocolbarna, fiptasik va « te » mo oria ke yikya suyon rubiar. Ticak ke taka fu zo tcaar, voxen me grupet tokenide : kas to fraskera va kranav ok kotavesa ok zilyasa sugda ? Oria tcalayana gu bate bulafe te cugote tid ayikyafa ise koe ckant tigis valenttalte Paris is aalafa azekexa koe Seine krant isu Oise zo trasiyid





Gandura va veel

Mon -16000 AGJ- fwekikiraf veel awir. Vugtode man ipinotaf ganduks va manyona danexapa kiyr !

Tire veel va vieleafa tıra di romplekuyur ise va kruldera di artowarotayar ise va ganduks di jonkayar. Banvieli vage tanion dua tanon zo diskiyir. Vas almaxa opelon pekuyuna moe epiteem niteyer. Banvielu tir asadayane. Almaxa zo belced enide va tazuk ke alto malaskickid. Apay is dj m banugale zo gruped inde lan gretcaks koe Gabillou arula (koe Gironde utca ke Franca) nedir, laninde tison taneafa cavafa vola !


Belceson va konaka almaxa, bat ayik va leltafa vorpa dere askedad. Isen kotviele tuidulapayani raporki ko vorpa kotrafa gu lava zo mimar, pune lava toz lembiewer. Man kosmaks ta taneafa « burmo-tara »!

Voxisen koncoba loon zolonafa, vorpa novel da lava bal lanirapa ik koyara ik lamara jontikote zo rovo-divburer. Ostik, tukotrayanon gu gael, kadad kup tudrikas va pujerapa.

Radist vey vorpa zo gandur, i radist tadleyen gu dre kum inta ik abrotcafa niska (kiren inta jontiktode tir rifa) lize keveon asadayana almaxa zo atced. Onatason ik ilon totatason, ayik battode rolapir. *Inuit* saneik ware tis sagaf gu rad st va koyarafa eksa ko leltafa vorpa bene tota aykad. Batkane bloteem zo nendackar ise mebelxar.

Batugale, azakaf veel va bat guazapaf ganduks dunud : ugot mea tir mil voxen xeka dun tir mila.

Tite kiria ke Solutré (koe refa Franca) bate tcabanes.kye va balieyen oko van pemaxo impadimad. Ayikya ta epura va asadayane vage, va almaxa di nyofad ise di tutiguad. Va gemafa leltafa refema is veyna is zwart tuplaxayan kan art faved.



Tokkane is tokinde va veei goniat ? Elega kum taneuga (tulon kona niskapa ke jaftoldunol) tir vrebafa. Bata elega kan gaba ok luzikasiki gu rontafa umicapa taneon zo kogaber. Kan gabotsa, imzinda kum niskada zo ilksantud. Ton gemapaf uul arteon zo tutigad solve ekwa gu tolfeykoraf trek (fwek) zo fer grupay va abduak az rad mak fer isen toloy feks govadjed. Tenutcera kan nirara kev yootki zo seotar.



Fera vrebafa gu askedara va veei, va redura va jontika ingasa muka dere nover. Sulemafa talga is kuldoy is niskaki vanpid skunderi. Myast ke balieyen rupol en tir djazany ke tcbanesik !



Barnugek va leltafa vorpa kum konaka asayana amaxa giskir. Bata ayikya va iduapafi dri azu ari ko lava mimar. Batkane va donafe aabre kum kladayana niska ke bedakol lembier.

Ben cewa kum inta ok megolafa niska, bat onatcabanetik va anamplekuxapa kum asadayana almaxa lcekad. Batkane yasa va bagafa tota novesa va grocelafa onara d' dadir. Koe Comwall gola ke Britana is Aran ewaleem ke Eirea, onasik va manyona totinda (« curragh ») wan faved. Voxen jaftolafa asadayana amaxa gan wixastama batugale zo ikaplekuyud ! Abduxoa dun tir !





Arula is brava

Brava tir adraca ! Kotugale ayik kev plabafa tuwava va nt gonendayar, is kev idulars is fentap is tizaf bwaf xeftocok, ok kev yotafa rubixa koe welfafo kr mtaxo, is kev moekote suka tunoapasa va fent. Koe Olduvai koe refa Tanzania, joxara va ivamu dem raporkipi tadlesi va levak ke taneafo wico evlon gu tanoya celemda al grifuned.

Arula tir lokeskotafa tuwavafa brava kire gu suka nendoyer ise va taniafa yanka ravalдар : yanka vas san-toloya is san-aluboya eka. Kle bak anzapas idulcek feda dur isen bak fentodcek zakod dur. Voxen arula zavzar riafe gelbe, anton nobafe koe kalkaxo lize solelason va pist, lava va tuwavafa arula suxayar

Ayafa dikiuca va arula kan vrek is raporafa feja tukiewar . Va « *tcofa arula* » dere redur, i va wico is kirka Lana mona al zo kosuxedad nume gu suka lokiewon zo nendad ise va zijnuca ke tawa belundad. Tulon to abrotcafe kotawayane intaxe ke tcabanesik ke Ukraina ok Sibira dum tele koe Timonovka.

Voxen tcabanesik va wico dile gobulud : tulon pokolanira ke bedakoltum va lafa brinuga tuyer. Broca kum almaxa titickana bene vemiz dem kevplekuna vza wetce abdarafa brava bam zo vanmadad. Vaxede ayik va warzafa buta kosmad ! Bak ironokaf decemdatum koe Vézère krant koe Franca, mona anton tiyid acku ! Bata inafa m ala vane krant zo kolnayar ; voxen bana valeve pist tigiyr.

Fentugal vanfir. Fentunafa suka va taiga aala suker. Ayikya va abrotcaf rontagentimaf kelor suxad. Ayikye gu dnm ke cirdata celkayan kan tey, az tawa va in besad.



Australopithecus katik tcabaned. Xefto koe glupafa meila dem bumaf aaltum daktewer. Aykya va brava nendatasa va rumeikeem ampuson vegedud. Abic drimap gu sid zo kougad. Isteon ayikya va toakrafa gama anam ayezok gamdar nume va kevsukaf vrek tazukar. Kadimeon omafo wico dem remak drume sid su zo tenger. Kaikipon lan *Bushman* grelt bal tcabanesa brinuga va mana nuxafa brava kolnatad.


Wivgama is flavodapa ! Moe krimpa ke Boron mefta vamoe Nice koe refa Franca, bat *Pithecanthropus* katik van ntafa vreda lanir, i van buta. Tec vrek kum aaldrim, buyayan gu raporki is besayan gu gama, abduon al vanmadar.

Nekev tigira lente ticawaltara, bata damafa buta gu suka nendansar. *Cro-Magnon* ayik va ervo abicedje isked ise va konendasa rebava kankum elega kikaweyesa ticu kiria vanmadad.



No dot zivotcon dur. Remi konak aksat nolda va azeka besar. Idatcoltum evied ise va sumefa taiga aala divlan d. Tcabanetik ke *Madeleine* sare va idulafa is luvedafa luva kolanid.

Tildera ke tcabanetik. Koe eriltwico, ayikya va tey kiewagd ise va sumgum gestud. Kan vafi uzikasik kum frukti, yambaf tcabanetik va melmakolafi wulaki balumar : va kon sulem fu nekir.





Ageltucafa mona

Inta is kuritca : donafa ugota ta vegedura va tawadayafa mona ke Gelkef Raporugal. Tid fakafa gu malsavera ise aultoved isen gu fent s idul is abda sostackad. Neken koe lanyono kalkaxo, ant rapor zo faver !

Aala ke mediterraneafa gola nope firdera nekina gan gleba ok kuranon vanteyana gan namulo susik kalion zertud, i gan susik rotiskas va jotafa anga pu bonoltum. Uvoy is granta, i ligundeyen kor ke savsafa aala, va ronyofana inta adrafa gu vegedura va renta mea tiskad. Kene krimta ke Atlantika welfa, taltufa suka tid tizafa is felisa nume va atrira ke aala tatced. Batdume ant rapor zavzar rodadin ta kolnara va « rapordafa » mona.

Numazen vegeduse ckane ton zemosek di vanblir. Kalke tır kalvekackafe ; tire inafe tadle va volvaf xidaf badatum dir numen ine ton derafa pozlama tuwavon stogoyewer. Yambudik va sina tantanon moezbar, ton deraf zemosek. Tukuvatason va divtraspura ke muva, kota pozla divamon zo vodjur.

Malaskison va bate ckane, *capitelle* raporda ke mediterraneafa tamava isu *borie* isu *trulli* koe Puglia ke Italia is « *bee hive hut* » blatakkorafa raporda ke eireafa kr mta. Bata wicoinda tid ranton milbavafa voxen ugota zo rodimnarid ; numen warzafo wico va kono darefo attsuyuno kalion ikarundar. Telo o-savsafa grupeno tid evlon gu IV-eafa decitda AGJ-.

Wico ke tcebanesik va melmakol ke Ukraina roneon zo kolnayar. Oria s woyail is zarevo ke melmakol ta titek zo krepkad. Talgaveem va vemiz tadled. Talteon ayikya va anamplekusa almaxa abover.



Ta vegedura va bat mona koe Morava gola koe refa Ceska, tawadayik va gerot giskis va rebava kum gama gamdayana is uskuyuna gu kunitca kougar. Ixam to zemosekafa ckane ordafe gu kuritcafa gola me ruldasa vas rapor

To gedelaf gemelt : bate aykye va galzajolok ke rapordafo wico rundad. Rebava kum kalkafa pozla « zemosekon » deraykayana su zo vanmadad. Fonsa kum inta pomasa va vegedura azon zo deswatad.



Bata wida dem « capitale » raporda zo tenger. Yambudik kan abrotcafi madasiki kum inta, va kalkafu tilmumu maltiolter ise levmadar. Namulolafa almaxa moe vimava turodawed, kiren to susikafa wida tir.



Moe opafa furida wa'e toloya kuksa, wida koe aalaf tawaday zo kolnayar, dem ivamukorafo wico kum drim. Debak tir donaf : taya pokeon tigid, vegungafo aalxo va wivga tiskar isen onara tir rotisa.

Mek aal koe Orkney tursia tir, i koe bata tursia lente Skota, Onas vartesik ke Skara Brae moni -1500 AGJ-, nendatason gu suka, va rapordafo wico gu tawa kosuxedad. Kotcoba tir kum rapor : ilava is tinida is ponyaska is teyxo ikz-.





Yambudik ke arula

Tcabanesik va gartol va yona conyeta kev kuritca ke pistafa dzeta ke arula kan gelt conyukar m linde mo tawa ok nolda jontikedje al askir. Laizon tcabanesik va lan ralk ik lan kurd ke gartol vanmiau gojaf conyatun fokagruper ; nume va conyeta levconyar ise va konakara loplekur ; balemoya xufa conyeta va ineem volad. Gartol zo zovdar, gartol zo redur !

Anamez ke pist ik tuwavaf ralk va brucka ke lan sulem poon di rodivrozad. Lana lingena ok gretcana conyeta va tuelimara va vektasuca di zanudar ! Ar tcabanesik va bat divulaf zovdaks bam diolon wid. Isen tode va sulem kaatoeyen kadimion gralomed pune inafa ewava va gevaso is bulafo po di urlicker.

Kotugale yontan va kawarzera va mana ok mana teza grutecked oke grutejed.

Weti 20000 ok 10000 tanda, milcoba tiyir : tcabanesik ke Font-de-Gaume arula va kawarzera va garto tulon tceder. Batdume vaon toz linger ise kev krexa gibelinger. Ba siel, tcabanesik ke grelt va menistki ke gartol isu keraya pu lantan tu « yambik » fu firvid.

Yambafa serna vey bata warzafa tuaptara vanblid : tela ke Lascaux isu Rouffignac isu Niaux isu Altamira (koe Espana) di tid targapafa !


Kobas yambiktum ! Pomasik va tilerda kum br muka gid, ise va sumgum plotad, ise va kseva tugadiad. « An yambik ke Rouffignac » va krexa dem melmakol volan ton jo kev jo zovdar.

Kobas yambiktum ! Pomasik va abrotcafa tilerda kum brimuka gid ise va sumgum gestud ise va kseva egad. « An felsik ke Rouffignac » va krexa dem melmakol kaatoen ton jo keve jo zovdar.



Ututon zovdatason va bata *Covalanas* wocolya koe Cantabria gola (Espana), yambik va trigay dem intum faver. Batcoba tir ckane ordafe gu *Pengord* sare, Lana tuwavafa yargada ke dzeta va sid volar.

Arte 1000 m- male runak koe arula ke Rouffignac, bat ayik va melmakol ko olgafe kalke gretcar. Va pist kan luzikasiki skumar. Breul gertik tu vartaf abdiizvopik bak 1956 va bat gretcaks gu « melmakol dem faciafa ita » yoltayar.



Tcabanesik va garto ta tcabanera fuzud. Kabdue bat gartol lingeyen keve dzeta pirdayad. Okilik va ronenuba storlayana gu kuritca vamo sulem baron kevaykar Bata baroya konga aykayana keve pist tir digsa sugda Kas bata zatca va tcabanera ik rotir aytara va baroy gartol zanudatar ? Taneaf sulem ape pomatason va tcabanesik zo lingeyed ike zo gretcayad. Voxen kaike diola, yambudik vanpir yambik, Va puvegura va skuranya va gretcaks ok zovdaks satoler.



Tsenteson kan nuba va pistafa dzeta ke arula plawukena gu tulwafa kuritca, tcabanesik va intafa conyuta kosmad, i va conyuta tcalayana gan gelteem. I va conyuta dum telyona ke bedakol moe no da ! Mana destara ! Batkane taneafa conya zo rubiad.

Azeka ke Duna bost poke Wien (Otera). Onasik ke *Aurignac* sare va onaks ko pemaxo varbured. Lan pak mu yambik balumas va wulakimi titir. Va vartafa « kudjotya » ke Willendorf rotir kagrupet.






Ruzadera va aalxopo

Bal dar mapa ke -10000 AGJ-, lidawicka loeke tuzakodawer ise tuabdawer. Ruga koe Lentekapa anton lapter. Wexuaal is cirdata ke *taiga* aala va runda pu datafo toaalxo wale tev-saneafe laksiwake (Oslo - Sankt Petersburg) isu balem-saneafe (Bordeaux - Beograd) isked : naviula is persa is wetinga va glupafo aotcafo aalxo divlizeso male Ural rodega ka e Atlantika welfa tad ed. Ino tr kulafo gu wivgapa dum wocol is wafibol. Taneaf boniasik va inta kan tey is kufta saved, ise va taneafa senta wasarnad lize va m dura toz voned. Va warzafa xeka vanikatcud, i va teca gapa dem jakteks cuf gu intanyofara, az va skuma is kufta solgabena sol fruktifa elegapa.

Boniasikafa w da fu tir dem anamkafa kirka dem feykorafa kepaita. Drimkirafa istayaxa va miduxo kev alkejara ke wafibol fu nendoyed ise va taneaf bonoltum sutud : i va bulol is sperelaxof jaftol. Vakol mal -17000 AGJ- koe sib rafa aalapa zo tukwayar aze vanpiyir tc amaf gositk ta tcabanera va wocol ik wafibol is ta pomara va suera va bonoltum is lyumara kev idatcol. Gedraf rob ke bat taneaf tawadayk ke Talteka va vanlaumara ke sanelia is gedruca ke yambudafa tegira dived. Wida oote adre vanpid. Tildeteson va tawa, warzafa senta zo wasarnad ; warzafo aalxo zo anteyad numen senta sinton tere afodad... Batkane adre miduna azekapa awid, i aaliskafa azexa dum Beauce ok Ukraina lize suka turodason dun dur.

Tey va aalxo su torsar. Bat ayik va aaldrim kan kufta cuon celkad ise tuulad. Bat nuk ko sid zo kougad nume va dzeta ke intaxe tazukad. Lotigafi intaki va vegedura va renta ke kepaita zanudad.



Senutuson va ulidinarak ok esturak, bat aaakobasik kan stuka va drim suxar. Namulol va eip albackar ; batlize va eip tigris koe mantafa donia friner. Kot kwaf ugol kum inta zo vegeduyur.



Baroya kseayana olkotcapa kum inta va dezark tadled, i va dezark impadiman gan toloy mirembayan jaftol. Loyta tir ilbodeyen fruktip ludzesi va tawa is bourgasl. Batcoba tir abduxoapa kiren olk conya-koron zo rofaytawar.




Aalakobasik va ebeltackaf buloloc su gralomed. Ar bulol ixam tukwayan dis va ventuyaf gem dere tir Sin va duele malestud. Tod gilduracka, occek ke nemon govitaf bulol titir. Sinaf pustayan cot tir gedelaf.



Jontik sulem koe toaalxo viakud. Wocol au toved, loote dam bedako buluyus van enteka. Wafibol dere viakud : zo laited aze zo balied Latesik va bulo oc kan dona gralomer. Tod direfa vartera, abdi konak aksat va wivgacka watatar.

Teyka ke tey turunkayan tite aaap vibad. Sardik va gama vanbured se va tey kiewagid Aa kan kufita odrikon zo robalieter. Kufita tir vafa olkotca kum frukti dem gabexa lanibelcafa gu nubelt. Dum noeafa kufita ! Kabdueon bagalaf yambudik va balieyen granaf drim suxad. Va stuka dadid, i va fruktif imiz dem gabexa gentimrontafa gu nubelt. Va tandrimafa guema suxad.






Tukwayan dunol

Remi yona decitda, ayik va melanuca ke tcabanera levgar. Kon melmako ba ieyen ok awalkeyes nope geba ok akola vanpir age tucafo atelaxo ! Kon bedakoltum oku enekeon wocoltum va grelt rem konak viel gestud. Zavzasa atela turodanon ik vikizenon kan tey kum kusafa inta zo rov deter. Voxen balikeks adre zo pusked numen djupokosmason va warzaf govoltum ayik va zida fure gozemad.

Jotafa egluyusa namulolya (sulem ke katcama tid lodrikon rogralomen), ik kon pintaf namuloloc varteten gan ayik, is abic jaftoloc umbeyen gan tcabanesik, ik kon bakayan su em rovanlaniyin az ropeyen, rotir tid taneaf bono ke kwaf tum ? Kas vartena is bl son videtewesa wivga to tid ? Rumeik aeled : tan bonol ke milkava zo wetar lodamen ayik tcabaneteson gomallanid. Moni -6000 AGJ- koe ref Châteauneuf-lès-Martigues, namulol va 40 % ke raweyana ate a tiskar ; bak -III-eafa decemda baxek tir vas apu. Namulol is deaxol az jaftol ton milkavapa, va geltrafa malestusa musuca tadled Efe tcabanera dun zo ur : govitaf jaftol is faldol is wocol is wabol is wafibol is okol ok rayol, kare gola koe tamava, wan zo laited. Dace zo tadud kotviele rodcek va kwaf bonol xonukesir Tlwavafa zexa va warzafa vonera va tcabanera is tadura kotviele nekid. Izva va jontika tula divneditr.

Tukwara va dunol va zolonapafa blikapburedopafa danexa nekitr. Milbava ke tuwava zo joar. Tulon koe gola aname Med terranea bira, namulol is deaxol va aala vilad. Granta tisa ligundenaf klodaf ruxeem di tazukawer ; xeftof muvacek va tawa impadimad numaze kalkafa pozla zo rowid. « Rapor atrir, ~ lan tawadayik wan kalid. »

Weti tevoya decitda koe Tassili n Ajjer fluvor, milkavapa dem jaftol dis va drorakorafa no a is kretsakiraf gem bliyd, Jaftol-susik va boroltum kev butafa raporka linger...



Tite Saint-Loup arna kat,ce Montpellier, bat namulolsusik ke Leke-raporugal do vakol va bonotum suer. Inafa ladavakorafa peyapa ta ebidura is nyapera va namulolya tir leca ke inafa vartesa blira. Keve yon atcom koe granta zo balumayar.




Namulolsusik va bonol poke lujoromkorafe namulolxepe tiyad. Ayikya va bayna koe kuksama moe raporafu tilmupu tcater Artan va bayna walo gelteem femur aze anam femak dem tawoldafa baltaxa biekar.



Opelapafa rujda. Rawopik va adoxa anton katrasir, i va dri dem toloy big, ok va tawoldafa aldoxa atcesa va xuf rodafemeem. Yambud k va remayfem bene biek gamdason remplekur.

Bata vartesikafa is tawadayikafa wida tir Windmill Hill koe Salisbury azeka koe Engla. Tir ton anamkaf tazuk vawale suyaf kelor tiskayas va fruktip ta epura va xeka. Afoltaf baspieks va migexa tadled lize moeon gerotxa ta sura va milkava zo kolnayar. Konak vraday va kelor waljoad ise noved da susik is bonoltum mo koridxo rolanid sen midusik moe miduno wasamxo rokobad





Taneaf tawadayik


Tuke tukwara va dunol dum namulol ik jaftol, vartesik va blisa wivga drikon lizukon dadir. Tuke taneafa midura, tawadayik va olegane zae su olk poke tuvel ke kirka dadir.

Miduse ckane tir gijapaf kosmaks ; va warzackaf swavasok levaykar, i va swavasok nekin gan yona disvera sopuyuna mali konaka decitda. Ayik va govitaf webex taneon dotayar kire al katcalayar da va jontik sinkas fayam sowarzed ; dere raveyer da bat seluyun fay va regelta ta askedara va kurfa is dibuk tiskad. Voxen abdion, obrason rindeyer ise undeyer ise vangrupeyer da bat fay taplekun ko tawa bak imwugal va gemaf kusaf werdolk is pinapafa imwa di warzeyed, i va imwa adeesa titi idulugal eke sina va warzaf olk silukon d nazbayad.

Ayik ape vofayar da fay va lo bar-sanoy taelcek sodiner abdida va warzaf nazbar ! Bat abrotcif kes nek pokoles ugal zavzar ana warzaca ke tawadayafa artowara. Warzaf lum gu baroy ar va int lopekur, i lum ke ugal gu darka is soluma kal aalxo ok kuksa is aludeve ke sid donaris vas zae is frukti.

Kirka vanpir vesk. Poke tayeem goneninten is gonendan kev v lasa talga ke namulol ik alkejara ke wafibol zo vegedur. Kalsulara va rata belkesisa va anganya ixam tir midusa kobara. Vebaltara is faytawara va belcafa kobara dined ; vesk ton wida va sint loypad.

Kan taplekusiki, tawadayikya va fay ko tawa plekur. Sumeon baroye ayikye va sid tumiltad, Impadimason va gamiaf kseaks kum lita kaikvajayan gu gamatum. Talteon yikya va kuritca zanudatasa va iara va trig rutuler.



Kan anamkafi dri krafolmani koe kunitcaki, bata tawoldasikya va trig tezodar ise va dzeta tutiguar. Taneaf trng tid pozkoraf kire va recia kum alma ke tcabanesk lakawarzed. Asadaks grupayenon zo milaskid.



Trig leve awalt zo turodad voxnume tid rantaf. Urlicketeson va lanafa acagisuca, koe intatey zo goburmed. Goatenon gu gamaf ilavot, xeikanon zo ezbad. Gu tawa zo besad azen tey zo turunkar. Jontik trng di empaweted.



Bat vebaltasik kan bupra vavk ksant gaber ; bata ladavakorafa okotca kum inta tir dem fruktiki dum talgeem ke prijust ke namulo . Koe savsafa misrava, « mâ » vas prijust voxis bupra belcon sugdalar ! Namulol va korid moi vebaltara di muled.

Lan krant ke Hoggar gola dem arestafa kiria weti anyustoya decitda ! Muvara va bli ke govitaf dunol dum fuzol is beicekol is troskol turotisayar ise va rionda tukotrayar Tawadayik va zaipa miduyud : taneaf miduyun ok mai 6100 AGJ- zo gruped. Kabdue intafa leltafa broca, warzeteson va regeta, ayikya va olk moe gatcewa seur. Rumeik lente sukara ilnisa va bapla, va olk kan riga kum inta katacer. Batugae bata gola tir re letaxo...



Ta basfayara va dent, basfayasikipi moe basfayaxo zo mpad mad, i azebap udanaf gu fruktif kotcatum ; kotca va bewot sollipad numaze va olk tunyad. Batlize yambudik va basfayasiki dimempar : va fruktik. kan bweda titplatir.





Guemik mo bira

Tison yastaf gu tuwava is tskison va olgafa is tegisa blira, ayik ke abdiizvugal wavepon ape grupujeyer. Kore dum batuga e va mane kalie ik martig ape me rowokayar, pune inafa ekesuca ape tiyir gijafa. Rotrakut da *Pithecanthropus* ayik isu *Neandertal* va konak vedil dum tel ke Gibraltar isu Messina rovoremlapiyid. Tulon kan aaldrim va int senyeson rovopomayad. Mal Tarifa vagearte Espana, afrikafa krimta monepon tigrir. Opelon pujeson, Gibraltar vedil me tir meroremigan vakor.

Dadison va veel noves va sardura va zwart rem almaza, *Madeleine* sareik va tukiewana muka epur. Leltafa vorpa va p awa vided nume va ayik gu durefa avayega tunuyad, isen mila va vorpa deeyena gu gael ezad ise va kup rovoyordad Batugale rumeik va adeepeyen kup kum loy ok koya r we milinde zanudad viele grurapujed. Weda dum siday vanpir tcabanexo. Valente Europa, tcabaneonasik va totuk kum almaza asadayana az atceyena ben vemiz wavepon gandur. Bak 1977 Timothy Severin va Atlantika welfa kan mana leltafa witka remlap yir !

Aalatcabanesisik is tawadayik va jontika yorda don nyofara va inta isu celkara ksubed : kalion katca ayad da aaldrim sokezar. Suxason va drim, va tandrimafa guema kosmad. Onasik ke krimta ke Mediterranea bira va drim pwertackaf gu iara va guemapa me dadiyir ; ikaon va granafa stava kum edgarda zanudar, tantanon popon g uyason.

Soktara mo arestafa Vingen ewalama (Norga). Gretcason va zovdaks va totuk kev pist, guemik va conyuta icde jonvielera isked. Tcabanesisik va cpogo va xo weti toloya ok baroya decitda lekeon ixam worayad.



Lapison moe toloya abrotcafa tandrimafa guema, onasik va anamplekusa donapa impadimad. Radimi tuvlardara az turodara moe mebast, kabay koe drimafo wico moe azekosap drume uzda zo videted ; bata widama tir dem gafowa. Bak IV-eafa .s -III-eafa decemda, domega ke loa uzda ke Alp rodega tid dem jontikafa sanel a va rob ke onara isu tcabanera isu domegafa midura isu vartera is rob ke vemafa aala beded.

Bat onasik senyes moe aaldrim va kuksa katitlapir. Dem tra is kotraf tcekak, poka Balta bira va wayka kaaneyar. To -VIII-eafa decemda tir, poka weda ke Maglemose.



Moe piluda ke Aran ewaleem ok koe Galway ceda (Eirea), onasik va riafi intaki ezason artlaniyisi tredud. Aal koe bana coyunta me tid ! Va vemiz ke totukap besatan gu jafto afa almaxa vegedud.



Ay kya va krewafa edgarda jontikote vestad, i va abrotcafa is vafa edgarda. Aykye ta kopaaslera va kon drim sorlad oke ta epura va totuk belced, i va totuk dem kamadanapaf otseem. Man edgardaf tiv koe Sardegna ewala is kene Nil bost s Tcada uzda ware krulded, voxis kene Titicaca uzda ontinafa vas loon 4000 m- koe Andes rodega. Bak 1947 Thor Heyerdahl totask va pakava ke Pacifika welfa kan edgardaf totuk remlapiyir !





Kawaxo dem frukti

Kawodik va bareaf lum felir : i va aludeve. Vartesik ke Med terranea biragola isu midusik ke Duna bostxo va abicote frukti faved kiren kuksafi dri ta epura va kufta s stuka umote tid.

Volson aalkobasik va jontiki frukti ta gabexa ke kufta is genva iana kum bat ugot raweyad. Olgafa intanyofara va pwertafa xeka maldiner. Batdume kayestara va fruktiki kou sidwelma mea staper. Numen ayik va kela kal suyafa fruktifa bada vanmiae afoltafa bada toz suxar. Koe Spiennes koe Hainaut gola, ilsuyafa lupaxa datcon ice krant taneon zo fenkud lize fruktifa bada makewed. Voxe kotv ele tid titsuyarsafa, pune wupesid ; batdume kawodik va lird mal azekexa kal fruktifa bada toz titsuxad : batcoba tir kosmaracka va « drekobara »!

Dugajafi frukti zo ikudar numen « litcanya » anton zo kosaved : kawodik kal aludeve vas 15 m- (ontine ke alubvegemaif lipok) titlanid. Kotviele afolt tir olgaf, pune suxara tir kan skuma kum frukti ; arviele tir mildaf, pune kan skuma kum woco barma. Lanl ze loa 1500 skuma koe tanoy lird zo trasiyid ! Kotviele lupaxa zo tuabrotcad slikeke toz wupesid, pune warzaf lird zo titsuxar. Koe Grime's Graves (Engla), mon 400 lird ton poku zo otayad. Jovlen lird gu baspieks ke kon warzaf moion zo adoner ; batkane xonukesisa kikawera zo taruted. Koe Hainaut gola, lan lird titsuxayan bak -3390 bak -3270 AGJ- zo pieyer ; acum remi 120 tanda zo saveyer !

« To donaf spert ke frukti, ~ pradjokilik pu parloesik nuka.ir. » Datcon ice lan krant ke Hainaut gola, fruktifa bada makewed. Kawodik va lupaxa ilsuxad.



Yasafo kawafo savexo moe azekexa ke Oise gola. Lzesison va titsuyafa bada dem frukt, toloy kawodik va lird titsuxad. Kal alu,deve vas loon 15 m-, rotr. Vrek gisk n gan balemoy gerot gu muva is awalt nendar.

Koe Norfolk gola (vagerone Engla), lird ke -III-eafa decitda isu -II-eafa tid lomantaf : xakola vas 5 m- koe Grime's Graves. Abrotcaf b1 ok bigiraf persadrim zo faved. Kon kawodik gloder, batcoba tir tana taneafa kobarawalta.



Jontik lird ke -IV-eafa decitda isu -III-eafa tid xakolaf vas 80 cm-. Kawodik altogison dum meftavubusik titlanid ise tclanid. Bil me tir adraf. Eru lt dem frukt kan wazdel zo ticbured

Afianon gan puntagum, soli va omapafa lupaxa suxar. Skumasik va fruktiki griksantur edje pomasik kadimon divbulur. Bata portafa kobara koe vafa afotafa gopa zo ksuber. Fruktigako a tisa kawodikafa ekola ixam emigur. .



« Witafa » kawoda. Abrotcafa lupaxa intaxeyena gu drim koe meftava vanludevawed. Toloy kawodik va gamaf vaj dem eip moe ksid divbulud, Sideip vas mordarapa sareon gu Hallstatt (taneaf azilugal moni -900 AGJ-) mukar.





Raporey is ckant is kepaitakiraf gaest

Mali 50 000 tanda, ayik va awalkk koe arula bravar tode gola vason ruldar. Moni -V-eafa decemda, onamidusik koe refa Breiza is sulemsusik ke Causses gola jontikote tid ise ton gijarotif grelt va sint grustad ise va gracafa arula vegedud : to « raporeyafa » arula tid, kolnayana kum raporki vas 20 ik 40 decitor ok loon. Lantode abic opelaf swalot (raporey) zo kougad. Tode besasu tilmu moe toloy swalot ton uwedjela zo inked, pune ckant zo tazukar, i cugexafi tuveli bravasi va awalkik. Konaka uwedjela keveon rundayana va « kepaitakiraf gaest » tadled.

Loeke grelt tir gjarotif numen loeke okilik zo payur, isen loon ponkik va cugexa bagaliafa gu in djukonad (moekote viele payun okilik bak blira vomiv vegedur !). Acum ageltucafa « raporeyafa vu tera » zo kabudar. Konaka woda va granafo aldo ke batyon vegeduks num maldineyena askifoara kramon rietad.

Aldo ke besasu tilmu ke ckant koe La-Ferté-Bernard isu Bagneux isu Saint-Fort-sur-le-Né isu La-Frébouchère kottanon tir vas 90 decitor isu 85 isu 70 isu 60. Aldo ke raporey ke Gozé (Hainaut koe Belga) dace tir vas 25 decitor.

Kepa tafu tilmu ke Saint-Fort-sur-le-Né, koe lano raporxo tigiso arte bar-sanoye decitmetre zo ilksantuyur. Lum ke raporeyap ke Locmariaquer (Morbihan koe Franca) arbeyen gan gleba tiyir vas 20.40 m- isen aldo vas 348 decitor. Impadimatason va in, 1750 ayik ok 250 jaftolye tiyid adrafe. Kolnatason va batyona cugexa, nivafi tari koxutackani is dirgani gan « okilik ke pradja » remi yon abrotcif aksat oku tanda ape kuncayad.


Kan zatca ik puda, okilik ke pradja va tiura dirgar : nenera va raporeyap mo tickelda ; kiazara va volsafa otsa kan yon matek ; pastara va granafi raporki ko kela ton rotisa loxufa tirka.



Tcarnapa gjafa dum venta poke bira zo kolnar. Vlaf dodelikaf ezgalday va tawa is dri ton ksidcekap dagimar, kabdue vegeodus blodik patackas va skuyuna kobara. Lum ke Saint-Michel tcarna koe Carnac (Breiza) tir abrotcaf vas 115 m- s mantaf vas 58 m- is ontinaf vas 10 m , isen inafa vegeadura va kobara ke 400 ayik remi icle tanoya tanda dineyer. Vegecutuson va naboxa ke wideyaf ok alkaf oklap k, konaxa wida va intaf kobasikeem kabelcad. Numen banugale grustaksap ape krulder.

Va bata caxafa fipta koe abrotcafa kepaitakirafa lupaxa ke Mané Rethual koe Locmariaquer (Breiza) fakon rogestit. Mana rapor-eyafa cugexa tir naboxa mu belcon oklik is inaf yasik iku yastik : nume tir donafa.

Garniafu tilmu kan madasiki zo levmadar. Takrelaf is oblif dositik va yaxas raporiki rundar, i raporiki giskisi vwon ice ane ontine is tufakasi va arplekura. Va burgiki al narar kiren koni kalkafi raporiki co zo selur.



Anambeckeyen raporey moo drimvraday zo nener. Ironokaf drim re kadimeon tig s kabduon vere zo rundad. Tilmu ke ckant ke Proleek lente Dublin (koe Eirea) vas 40 decitor va lo 200 ayik ta arplekura dineyer.



Swala kougayana gu sid is yaxayana kan raporiki re tid rundacka- yana. Pieyena tickelda kale ontinuk zo vegedur. Ayik va besasu tilmu vamo swala kan laday impad ise kan madasiki platid. Tilmu nope aldo fu rundawer.





Vegeduropik va ctake

Vegeđus k djastas is megas va zatca va logranafa elega tazukatasa va levak ke kolnatasa cugexa taneon kabelcar ; batkane me gotcburer. Azon va lopinafa is ronubana elega krepkar. Bam vanpir vegeđuropik ! Mali - V-eafa decemda, vegeđus k dere vanpir « rapordivgabesik » ; va rapor kare veyadafe ckane celkar, i kare veyada kazawatasa va intasimba. Jontktode tuazentara va welma ke raporki is tenutcera skuyuna kan bweda va kota conyuta ke veyada al vi ad. Raporey ke Kerloas-en-Plouarzel va toloya volsafa ralka vider ; sina tid nenes istok zanudas va modemara va wazdel is nenera va elega.


Raporeyafu ivamu ke Stonehenge (Engla) zo vodjuyud enide awalt lyon ce cugexa ba idulugalafi vologaki tıawatar. Koe Eirea, tcarma ke New Grange vas abrotcafa lupaxa stasa kal caxafa mawa ruldar, i kal istefa mawa zemosekon galzayana.

Ba fentugalafi vologak , ba kot tol-saneaf viel ke santoleaksat, bata mawa gan awatafi afi remi 17 wexa wali 8 b- 58 is 9 b- 15 zo koafir. Vegeđuropik dere tıyir kocopik ! New Grange va dopewa ke Ramses II koe Abu Simbel koe Misra obar, i va dopewa suxayana koe kira is milinde vodjuyuna... arti karkion 1200 tanda. Ara vegeđuropafa sega : mawa ke ckant ke Antequerra. Inaf lum tir abrotcaf vas 24 m- is mantaf vas 6 50 m- is ontınaf vas 3.30 m- (welma vas 160 m²). Cugexa vas 31 raporki anton ruldar ; aldo ke ludevafu tilmu nivon tir vas 320 decitor. Kotafo aldo ke cugexa tir vas 1600 decitor.

To idulugalafi vologaki koe Stonenenge koe Salsbury azeka (Engla) tir. Vawale cugexafu ivamu, awaltara koe lya ke logıjafa barraporka bıstir. Sielon tey zo turunkad...



Barraporka ke Stonehenge ! Swalot vas 50 decitor va istok moe moak dadid. Uwedjela tid suxafa gu veyada blonjatana ontinon ice 8 metre. Tich so piexo ta aykara al zo senud.



Cekatasen va bata pwertarsafa elega, raporilbodesik va yona vancanyana veyada kan istorafi poldesiki suxar. Ko kota, va simba kum inta kan bwedapa titplatir. Ayikya va simbeem adeetes moion rustoler numazen pist ludzewer.

Raporek ke Barnenez-Plouezoch (Breiza, Franca) tir tan logijaf ke Europa. Bata raporafa flavapa gan yona rebava abrotcafa vas 85 m- is mantafa vas 35 m- is ontinafa vas 8 m- koeon zo giskir. Koak vas sanoya caxafa mawa don anyustoya kum raporki s zemosekon galzayana ruldar. Bat raporek tir evlaf gu IV-eafa decitda aze vanpiyr raporxo. Neditison va dre, yunkesik va in ligundeweyes al zovdar, i va in ba g wara.



Kabdue jontolafa resta ke Antequerra, kabdue « logamirafa cugexa ke tamava », varaf wid va intaf okilikye s dostikya djuprokotawar. Dum misrafa naboxapa, yupxo di zo eakeyer numen meka rawopafa xa zo trasiyir.





Ayik ke lut az iyekot az azil

Isti -III-eafa decemda, warzaf ugot koe talteka awid. Tid olgaf is elkaf nume, tulon tazukatason va kufta, medrikon zo romyelgad ; neke tre myelgara ton toaz zo tutguad. Bat ugot tid moava is lut ise ton nazbokaf sok zo malsaved.

Ckane ke era va batyon taneaf ugot moni -6000 / -5000 koe roneka ape zo grupeyer. Kawot gu cadeka tuidulayana kan inta zo komimad aze koe cupasiki yankon gu 1100° eka zo aynad. Voxen lutafa kufta kalion solamewer Wori aotceson va jen lut gu ar kawot dum dig koe Anatola ok vopel koe talteka, va lodolgafa num logabesa yanta seotat. Viele ayik kosmar da vangluyaksafa pona ke iyekot tir vas sanoy pak dem lut sotre tanoy dem vopel, pune va torigraf kosmaks tugeltrar.

Danexa tid granafa is jontikafa : taneon imizxa (kufta is nubema ikz-) kum yanta zo iad, i kum iyekot az mali voltaneafa decemda kum azil. Azon siluk ke hexa...

Kawot zo ikseltad ; aneyatason va vopel ko Corn-wall gola (Engla), guemastasik va Manche pira exuled. Miluga e okol zo tukwar isen krafo zo gandur aze zo galbur ; va anamuckes ko ke tawo dopik is lima ke tawadayik di rabander.

Abdiizva nope lana eroyafa tukaliawera keni yona zo onafa vilara tenukewer. Tire, aala tyir kosapafa gu abd izvugal, balieyena gan kufta ke vartesik is tawamidusik is yambudik.

To kono yantanyofaxo koe Anatola titi Iyekotugal (-II-eafa decemda). Ontinafa cadeka (vas 2 m-) kan inta zo tuidulad ise va rilaf kawot zo tukotrad. Aynas okilik va divtraspura ke yanta eninter



Lut is iyekot ta iara va kufta is nubema runion zo balikeyed Yootafi cupasik. Ibodeyeni kan raporafa sadja va xeka suxon kawarzed. Tec pezom (gaelasa stita) nover da tie bak aynara ro-divcadekawed.

Moi tufentara va yanta, kufta zo divcupar. Inafa gabexa kan nirara kev yootki zo tucuynar. Traspuks s sulga ke nubema mo kreyta zo myelgad aze zo tunirad. Prostewafe ckane ke rapor tenuketeson wan zo faved.



Koe Merveilles krant tite Bégo mefta, bat namulolsusik va taka ke nolakiraf jaftoldunol ke intafa milkava kev keraf fwek gretcar. Va iyekotafa nubema dere regrar aze va weima kan istoraki pulledar.



Jesik va kuritcafa vuka kotrafa gu delaplawesa yanta kan toloya viza kum inta vannarir aze va cupasiki tukotrar. Kufta wal toloy lik ke cupasiki zo aynar numaze vas abrotcaf yantaf traspuks bene zokeveks ruldar. Rucara di gnawisir.

Pisusik va imizxa is iyekotba bures va vajap zo koskayad. Voxen iyekotafa tceka va cot lodolgon dam frukti sollipad. Xango ploteno gan pisus oklik tir crakepafo loon dam raporafa kufta...



Mali wida kali ralma

Remi baroya decemda, wali -5000 is -3000 AGJ-, sanelia ke coyunta tɪtisa Gallia male ota vas 500 000 irubasik kale alub-celemoy towar. Sanelia ke Tawava dere jonsanawer, kale 300 decemoy irubasik. Wida zo jonkad ise loloon tuzolonawed. Grustara tuacrawer. Hautes-Bruyères furida wale Seine bost is Bièvre kuksa xanton gu Paris, vas abica anamkafa kirkas tanoye rontagentɪmafe intaxepe oxam ruldar, voxen Windmill Hill wida va ivamufo lizuxo vanikatcur; anamef kelor zo suxar. Ka kion, widam ke Biskupin ewalama (Polska) kare mil zovdom zo vegeður; va intyona mona vanconyar ise va ageltucafa is vafa migexa anameon vanmadar.

Jonkaweson, wida gu truminda zo broed: kelor is nuku is gjarotifa migexa, pitcas rasek is rolizina za ikz-; ostik moe furida ok kesi ok ewala kre zo kolnad. Vegeuoropik vanp d gejopik: Dun Aegus folk icdeon tir akoydas.

Wida licawed, ta lokiewafa rojura, va runda leon kereled, taya is baspexo divlizewed. Tawaxo fakafo gu nyofara jontikedje zo midud. Aalxo dun illaumapad. Taya zo griuziackad isen pilkotik lickon anamsud. Savsafe sare dem wida is tawek mesolwif gu tazuk is meelimaf gu kima mea tir: banugale mekimafa darka kruldeyer nume gan kottan zo rotupilkayar! Batugale, memusuca dun abdufir. Batdume yanta (nelkon azil) va iara va dug lodam dezarkloyta zanucad. To mana vamoecupa ke digisik va az lafa kaba oku dug tove tawadayik ok vartesik anton dadis va peya!

Dilfura va « crannog » Craggaunowen eireafa ralmawida (Clare goa) tisa folkayenafa wida ke Azilugal is kolnayana moe trumindakirafa ewalama. Ruzadesik tid lokiewon ervokiraf isu rojuxakiraf ise va Engla artu apid. Izva tir kadimifa.






Vegeduna wida moe domega ke Neuchâtel uzda (Swiza). Pieteson is tudelatason va doma, edava dem kotraf krafol va tawa is ye dagimad. Azekos titis va levek ke warzafa wida, koe weda zo vegedur. Rigoto va gamafi raporki yezvasi va nuk numu kougasi kai acaf sid levburer. Rontagentimafa intaxa kare vun zovdom dem nudacka fu zo kolnad. Bata mona vas toloya olkoba giruldad.

Begcade kseayane kum kuritca moe raporaf titek dive mona zo vegedur. Fird tid nobaf koe uzdafa wida. Lana dimjoara skuyuna moe Konstanz uzda gan tey webi konaka tanda zo vilayar.

Aname Dun Aengus folk koe Aran ewaleem, arte zobexe ke poxara male mgexa, azavzatason va ruzadesik, zuvda dem mederaf rapork p zo nkeyer. Batcoba va waleknuktum ke romik kabdue Alesia ok wtaf kevbortaf lirk larbudar.



Ewalama ke Biskupin koe Polska mali Gelkeraporugal zo kereleyer. Bak VI-eafa decemda, wid kotunon grustan zo vegedur. Vakenefa nuda va abrotcafa intaxapa griuziad. Bedom kevtime mgexapa anam icar. Onas tawadayik va yultava dem walekayan persaf trink tukotrayana gu tawa is tigisa tite nuku. Tite mgexa, tuululayan nuk bramon kougayan gu runta ke uzda is ruzadesik nendad.





Ba bata kanyafa ewa, zo funé. Va kontesa zijnuca wí, i va zijnuca ke battelya koton arpumasa vanpitison va fertik vox merodiepilesa va jinafa akolesafa vazuca num dostesa va jinafa komodera pokeon. Mali balemoy aksat, dun kalí da va ine rená voxe meinde kowazdé voldum gitisa getcuca ke ayikye nek jontikviele ikasa va rena. Poason artafí. Gire tí do darefa skaltera viele den Marthe fu kolaniyí. Voxen dum kera kabdue tuvel, tela kabdue rena titir trelafa. Ostik, jinafa gesta va yona dreladaca pu int abdiplekur maneke vol lajupenvar. Dere taneatomon kiva da va kurenik vektá nume va setikeraja ke cinyon renas gemelt pu Marthe fu nafé. Kle ine su tir kalafe loon dam jin. Voxen dye viele va sint kevulicav, pune inaf iteem va jinafa akolukera vodackar. Inafa gexata al remvolawer. Dace destá da va robuda aname inafa vola dum koe alkafa trutca me rotuzá.

Gu mana kivara re tí kiazayan, voxen ara artfid.

To tere gildason va gijarotiuca ke zatca men ebleyena golde vazuva, skotcé da Marthe va kurenik co pasur loeke espur.

Larde va coba taneatomon grivutena vol rogildá, pune va pojara va renara kotvielon loeke grupeté.

Keson, rolafe puve va enkranavera ke ayikye pu jin vanburer : i va lickuca.

Va Marthe saté kire nope inafa muntafa gexata va sotisa kotcoba ke cotgluyeem gildá. Va bantan rotapsá, i va bantan divmodayan va inafalto abdi jin. Va intafa fituluca krafiá, krupteyeson va Marthe gu ketik. Arugale, djumera va awalkera ke infa kurenik co tir rumeafa korcaca, voxen bata fuxa tugomilawer lewe mileke ede co aytá. Gu jinafa koblisa kaluca va geja danú ; va ontinuk guon ké. Pokolé da ina va jinafa bogera fu zanir milinde kon ayoltik ika min gomilar.

Re, belcon borev ; to golde kaluca. Marthe culimer da va dalintafa kurera me al weyoná. « Voxen artode, kas koe bata ilava inton narayana co tigi ? Dene gadikeem co irubar ; va sint me co rowiv. Va Jacques meviele co pasuyur, voxe me co tir ke jin. Voldo in, is merodoluneson, rotir wan co batcer, pokoleson va lokiewe. Va Jacques me bogé. Va lanera va kotafa danura pu bat ayik cinon coen bogé. Voxen va Marthe renarsá nume me rokrupté da cinafa kaluca tir gomilafa. »

Belcon borev kire anton tiv rumeik dadis va abiccoba. Ilwalera va Marthe ! Larde ine tir ke metan, anton ke jin, mancoba co tir guldera bas jin, larde co zo solparsav. Ixam, va tena ke geja guzekav, i va tena titisa tela ke cinafa renara. Grupev, kore Marthe vogapar da va kotcoba jovleter, da va jin radimelanitir, pune me tí exusaf nume va int plekuson ika runda ke Marthe, va mana oviskafa mojoara me djuproguzeká. Marthe diver dume ruler guazarsafe. Arti sanalubda, jinafa blira biwe tozuwer, ayikya va jin renatad, i ayikya tisa ke inafa refa klaa. « Co gomejé, ~

~ ine loplekur. ~ Ede va jin fu jovlé, pune nopeon xonuketé. Ede fu zavzagil, pune to golde axuca askitil, numen wison va rin wetas va rinafa kaluca mejeté. »

Nekev jinafa exukera, va int saté da va vole nuruyensé. Voxen Marthe anton ker da fu zo buiver, numen beta jinafa lazavaja sedme ine nutir umafa. Ine dulzer : « Gue, va batcoba me al trakú. Pestalé da me rotuxadal. » Jin, nope kivara ke Marthe, pestalé da intafa odiakuca tir leon delafa. Acum jinafa vinura tid tulwafa. Anton golde doluca nudimcoé. Kalí : « Volgue, volgue, til oviskaf. » Kaxe ! Tí gustarsaf gu jotuca nume gonoguzeká da gu Marthe va int iliksantutú lanviele inafa jotuca omweter voxen tela jinafa rumbeter.

Beka jinafa rena va parmaf tazuk nuzomer, tire tir tec remgudaks. Kev bet lirk tuaxawer.

Kle, oviskaca ke cinyona gloga remi bat mielcek va cin al cuesid loon dam telyona ke cot. Bata va cin gu banyona al nutilded ; ae tire al tenuked. Wil, loote, dankad. Mielcekon al dankad. Va bata ezlafa rotuxara sonké : wil ba ticawaltara sodankar. Batcoba me tir zultaca. Jinafa klaa va mekenibera afanar. Voxen Marthe dere katcalar, akoyepenon eke ape bata toma me tir taneafa. Va jinafo po licaso va ine kev jin me ronarur, kiren inafa akoyenuca kowazder da ine va batakaf mielcek do Jacques men al tiskir.

Viele ejadé, pune va cinafa rena gu burkaca krupté. Fotiv taneik pestales va lanyona skaltera, me grupeson da rena sotir dum ezlopa, isen kot fertik, don bet rotakapaf, fogetuwarzar. Pu Marthe kalí (voxon mefolison), jupason da ine trakur da va dalintafa bemuaca paká : « Va jin iskedatal, are ayikye va rin puveted », va int nurulaner. Jin, voxon, loloon toz lané da zavzagiti, dace viele titir leon jotafe, kiren jinafa vunguca ten askitir da cinafa kotabafa kaluca gu inafa fa rupteter.

Keniba va cin ton lebuca akoyer. Ba divmodera, wison da ine tir nisayane, kiva da fenter. Va inafa alto uzadá. Ino tir teyeso. Wira va inafa kenibera va jin cugeke tudreldar. Arti sanoya wexa, bata drelduca nutir tabina. Va Marthe kev epita kutcá. Ine me divmoder. Toleafa kutcara, leon romeayafa, ton tizuca ke surk tegir. Ine vagrabler, aze, itapragason, va jin gu kutcara besar, dum va kontel renan az katrasin koe ilava arti klokara va inafa awalkera. Ine, volson, va ageltaca al foklokar, nume ba divmodera va jin katrasir.

San-tane bartiv iexam tir. Va sabaxa uliv viele va mamlesiki gildev. Va Jacques vere trakú : « Warivode in va ervo gir. » Beka awalkera va jin cugeke kovudar, pune me skotcé. Volson, co nalé da to Jacques co tir, ant ede va cin co fu aytar. Kotara tenekara cwe co tir kipeafa.

Guzekara va awalk ton auluca tir zolonafa ant ede kontan ant guzekar. Awalkera ke volant toloy korik sometir awalk, dace sedme mefolisik. Nigesira tir volto bulura va blira, vox to bulura va tupestara. Viele lana rena sotir blira, toka amidaca wal belcafa blira isu awalkera tir ?

Me rovofoli da tí gradilik, kiren trakuson da Jacques va ant Marthe oku jin rotir co fu aytar, va jinafa ketsuca sabé. Kas dace grupé da tela ke bata toloya piza tir loon rotafa ?

Larde Marthe me zekar, cwe al roklé isen mamlera tiyir to dene pilkotikeem. Voxen mamlesiki gin tauler.

— Amlital, me zekal !! ~ ine prejar. ~ To gadikya ape tir. Al vulkuckú da moi mista goworar.

Tí kalaf kir vrutadas va tana inafa wetara. Kotviele, vielu fertik ok nik tid gavemes ta kakevetca, pune sogestí da su awalked. Gason va bata polinda pu inafa gadikya, va inafa kivara froná isen da gan jinafa derka zo satoler.

Va budenu polku ke matela gildev, kadimi dokalira (tire, Grangier W^{ya} pu korik ke sidot al erur kase bak rielcek kontan va dalintafa nazbeikya co wiyir). Marthe kaku telvung divdisuker aze kalir : « To ina tiyir. » Va rilitucaja me rotacagí nume, wison Grangier W^{ya} dimmallanisa dem mistablikerak koe nuba is dwisa va merogildana gracera ke nazbeya, puvegú. Ina van budeyen telvungeem gin rwoder.

Re, va betcoba mea gojugemé nume pesté tumemalyawes. Va int vanolá da Marthe pu gadikya mewegayeson roderotuxadar, isen jinafa volfonkuca va mancoba pu ine culimer. Wori rena, sotisa ketsuca ke toloy korik, va kotcoba gu int sowetar ise va rotuxadara soblidar. Platin gan mil degrik, ware culimer da va artlanira ke kurenik al palser. Batvieli va intafa evayuca al sekiá, me djukugazason va Marthe. Jinafa olguca va aulaca aykar. Bré :

— Fure va jin ilkadetel. Tí dum kurenik, lion fikaf.

— In me tir fikaf, ~ ine kalir.

Ware dakí :

— Battode, va cin toloy coel, kalil da va in renal, til valeaf : arti anyustka, do in rovocoetel.

Kutcbugdar, borer :

— Va tokcoba lieke tuikorasa va rin al askí ? Vosé, va minaf taneaf vielcek ke kaluca me blokal, vay !!

Manteca vordava va askisik sobakad. Va koncoba ke intafa kalira vol trakú, neke vol lakalí. Pu Marthe vol rodivé da jinafa rena laumar. Ape va niaafa klaa zomer, numen bata zugafa nugera tir almotcera ke rena vanpisa ske. Mejé. Vosé da Marthe va jinyona dilfura di vulkur.

Pilkotikaf kwik va twa levo tuvel al fargier. Marthe narir. Toloya ke Jacques tigid. Wetce dulzara va jinafa iltrakura : « Raplekul inde djumel !! ~ ine kalir. » Tí kinokaf. Erú da di belir voxé mu int videter. Marthe, sundeson num lureskapason, va tana anamplekuxa sollipar. Twa tir volfakafa gu sollipara kir ape abrotcifa. Inafa zatca vanpir warzafa culimesa katectara. Va bata lureskara ilkadé, is va inafa titisa sidjera. Soe sugá nume, kuranison da ine va toleafa twa me di sollipar, unt sú da sedme bata nakila Marthe en tir ikorafe. Erumbon gan jin, belir. Sundaja va sollipara va taneafa twa al jupar, voxen volto sunda askir da ine kalir moida va toleafa su gixur : « Kelt gabler kiren va twa me al sollipar. Jacques dakter da kot udor koe inaf gabot su zo obukar, numen in abdi tanoy aksat me denlapitir. »

Ant rena va mana grivaderka roskaler.

Bat kurenik va jin toz funer, loeke co gokalobrav. Beta twa ke in bro utsala laizon tuzolonawer. Gaveon miafizestuv. Moni alube bartiv, ken kuksa gozav. Marthe zo akoydar viele va kita divwerdá, winon gan susik. Rupa va kita va ine deaseper. Va inafe vertove mea kiva. Laniv, mesonkeson va xariuca ke cinafa linulara, ton alto va sint kruso. Gelteem va sint

sint kevlicad. Bat taneaf awaltas taneaviel va yon gozasik dem bapledji al atrisir, milinde muvara va nyul. Korik grupes va Marthe vol rovekiavad ; voxen mesonkeson va koncoba, ine merovon kiavar. Gu fuglara ape torigid. Koerur ise djugrupe kane div mona al yaté. Kiper azen inafa vola tuorikawer ; bam va jin grewar, popon licason va jinaf gelteem, kiren jontikote al wupé. Daykatason va kita, va ine dimdenlaniv. Ae mu bata kita, va tena bagaliafa gu batyona stuva ton staksera pu ervolia witá. Voxen mana tena co lemisteper dume unt sú.

Marthe djumer da va Marne kal La Varenne di kenolaniv. Lente Rena Ewala sielestutuv. Abdiplekú da va Écu de France tcilaxe nediti, i va taneafa tcila wiyina bak jinaf rumeugal is baalpeyesa. Va batcoba dum dulapeksap pulví. Voxen viele rabatev da bata tcila tir liona, pune me djudosté da bateke al roklé. Va iwota ke Fulbert ! va kotcoba ! va betcoba al folí. Espú da va Marthe volgunon al kotcomé. Ine me gildar kiren me gikrandé. Ae, bata dempa va jin tukexar. Unt kalí : « Jin re folipis va rena ke Marthe, va kona tsabura rotir wití, dum Écu de France tcila ! »

Kire va inafa rena jontikviele iltrakú. Konakviele nué kase me tí virt mu ine, i rinta vere rojovletena viele dili va ine gu goni kimbatar. Wori, ~ unt kalí, ~ art ik iteem ba lanyon gemelt somerotuxad. Efe. Voxen vieli tel levonaf ayik tir grijaf, pune somibuegar ede va dalintafa trula iku vobor me nalet. Koe bata debala, tir puraf lieke ton sokack tir. Gemelt edje me rorotuxat dye tir viele cugeke girotuxadat, moekote pu int. Folira va ayikya « viele ina me rorotuxar » tir to folira va rolafa disuca ke totcidik.

Jinafa afaluca anton tir loon iyelakiraf tazuk ke jinafa ixakuca. Rulé leon opelkaf, neke arinde tí, larde beta klaa va ixakuca somedivvawar. Afaluca ke guazugal me tir beta. Bata drowigafa afaluca va kotcoba tove jin tuorikar, askir da va Marthe iltrakú. Kre, va int iltrakú, dace krupeson da me tí bagaliaf gu ine. Kore va kunoya wazdera va inafa rena co dadí, pune dun co tí volkalaf.

Va jwa somemuxana pu tel renanik grupersé, i va jwa somemuxana golde kivara va rumeafa tira, nume va bata awuzasa werkuca dene Marthe cubé ise mejedá kire va inafa swava me kofí.

Ba larde bartiv is acku sielon dimdenlaní. Gadikeem icde gozara koerur. Va Sénart aalxo seramon pimtá, is va inyona rucka jontolon ontinafa dum jin. Va Brunoy dere pulví, i va mepesa wida lize al miazifestuv. Laizon, gadya nulesa va jin nonur :

— Icdeon, René bak kielcek ba baleme bartiv batliz al lanir, nume al zo gevapar raveson da do rin miledje gozapayar.

Keron aundé. Bata stuva isu jontikara pu jin al raved da me grurotuxá neke amkemé. Kotviele zo dapnarí. Gadikeem va meka arcoba loplekur. Moron xultur.

Oretlik koe alto, ke Raymond Radiguet (6^{-eafa} zixa ; diza titisa koe diref otuk)

Oretlik koe alto : berpot (1923) ke Raymond Radiguet francaf suterotik
Xanto : Le Diable au corps francavon, kalkotavayano gan Laurent Lermigny, 2017.
 Dotay : Kotavaxak dem Suterot.

Robelin banliz : <https://fr.scribd.com/document/358060704/Oretlik-koe-Alto-ke-Raymond-Radiguet>



ERDVARK SPERDOL

Orycteropus afer

Veem : *Tubulidentata*

Yasa : *Orycteropodidae*

Lum : abrotce ke taka is alto vas 1 ik 1.6 m- (ault vas 50 ik 70 cm-) ;
ontine vwon ice epita vas 60 cm-

Aldo : 60 ik 80 kg-

Ocagugal : mon 7 aksat

Occek : 1 (cugto 2)


Sperdol tir antafa blisa katca ke lorustayaf moukoldunolaf veem (*Tubulidentata* veem).

Mekar dunol gu sperdol me rodojer. Abica klubafa vekta kapbure bulol zo stragayad. Sperdol va abrotcafa taka is walzapaf pezay riwe akintaf dir. Pez tir rozekapas dem otsa vektasa vas bulolaf bwel lize koeon pezolkeem tir. Sperdol ins sopezbuder. Pezay tir dem cug almas imolk. Berga tir trelackafa isen alto zegodapafo. Ge tir soanafe isen altotsa tir reltapaf ault ekwon anamkolaf gu mon 40 cm- vox otson logemaf. Tir oltavafa gu ault ke kangurol. Oblakeem tir gijaf is tazuk vas tel ke barlubekdunol vektar ; abrotce ke oblaka tir vas 15 ik 20 cm-. Sulem va kota merupte-non rodekalizir ise suxason tuomar.

Lum ke bewa tir mialukaf kapbure alto. Abdueinieem tir popaf vox trelaf loon dam radimeinieem. Kota abdueinia va balemoy gelt sodir solve radimeinia va aluboy. Kotceem ke abdueinia tir gijarotipaf ise va suxara faver ; kotceem ke radimeinia tir lopinaf is legijaf. Zekapas yoy ke dunol tir bliopon zolonapaf. Tir abrotcaf ise riwe varon zo rodivartar ; tir azekackaf is alokon besan gu sobondafi fiani warzeni gan jontik fianiak. Tir vrebafa xeka ta gralamera va maleshuna beza. Tazuk ke talga tir rustayaf kir akintakoraf, a zae is miza ; talgina tir dem lani-belcaf sodjey. Atrira ke talga dun tir isen kota talga tir besanafa gu tec tuwavaf brank.



▲ Sperdol tir aptaf bezatonk dalon malestus va frunku. Iko Afrika anton tigrir, va bumpaf tazuk ke taneakaf dunol sotir isen inafa remblira gan inafa katcalafa malestusa tuaptara zo nurekir.



▼ Abrotcaf sobondafi is romalatces yoy ke sperdol va gralamera va frunku benelon yordar.



▼ Irubaxo ke sperdol moe werdafa azekapa is afrikafa aala, vaxe lan seg ke bwaala. Koe meftavaxo, sperdol kale ontine vas mon 2000 m- rotigir.



Jadion katcaxo ke sperdol tîr moe riwe varafa Afrika gee Saxara letaxo. Tigixo gan tigira ke frunku tîsu intaf dalaf tor zo kipir. Meila is werdxo kle tid gelukafo inubaxc ke sperdol, voxen in koe aala dere jontiktode tîgir. Suxasa rotîra ke sperdol tîr cugunaykafa tûke keskotapaf relteem ke abdueineem is pilkovafa gîjuca ke kotceem yordas va leakom voxis romalsaven ton nendaso ervo. Sperdol tîr mielaf dunol nûme va afizcek koe tawaz sye tiskîr, i koe tawaz dere betviele tîs gelbe voxis begama lîze dunolya va oceem nazbar aze gaar.

Tûke kotcapeem, sperdol va delafa rebava ke frunkuak rode-dimvegedur, fradayeson ton xakola vas 30 cm- is aludeve vas 40 cm- .Viele frunku ko fraday orad, pune sperdol kan sobondaf yoyap deciton gralomber, i kan yoy rotabduniman kal soluma vas 30 cm-, oke ko art rontion gelavar. Sperdol va frunku tîgisu moe sîd dive frunkuak voxis leote mîcal dere malestur. Toka dere tid tana rûlda ke inafa malestura, i nelkon toka ke divlujatoraf liost.

Sperdolya va tanoy oc (cugviele toloy) sye nazbar Sperdoloc sotîr imiskaf ba kobîra azen im bad tanda toz atrîr. Toloya taneafa safta ke blîra koe tawaz zc tiskîd abdîda oc do gadîkya va tawaz toz divlanîr. Ba baroy aksat va beza toz malestur aze ba tandacku va pilkaf tawaz poke tel ke gadîkya suxar. Va tor dc gadîkya jontikedje wan aneyar Sperdolocyê va gadîkya ba toza ke dîref nazbarugal nûbulur voxen ocya loedje dî zavzagîr. Batdume va gadîkya do toloy ecklaaf oc dîle rowîr. Sperdolye sotîr antîafe vaxeon bak nazbarugal.

► Sperdol tîr gîjarotîf suxasîk îse va erodaf tawaz vevedur lîze gu jontik volnîk va int dî nendar.



▲ Sperdol va baroya gîjapafa pesta sodîr : i va pezîtca is uzatca (dalon kan pezay) is wîltca. Wîltca lezolonon yordar (sen iteem tîr benelon kalvekaf gu mîlelafa wîra).



▲ Ordafa tîla ke sperdol : modafa tîla is anamsusa tîla ranyesa moe radimeîrîeem dum kargûrol.



▲ Sperdol va jontik volnîk dikîr : i va krapol is kramol voxis dîgdatoî is pîlvol (koterîges va tawaz ke sperdol az vangîs va oc kotviele gadîkya me tîgir).

◄ Tawavopafî tigixo ke sperdol tîr mantafo voxê me tîr dem letaxo is lîndaxo voxis lanyono aalxo ke taltefa Afrika.

TELIZ

2^e bu : Sareon gu Abdiizvugal

48^e bu : Oretlik koe alto, berpot

54^e bu : Sperdol

56^e bu : Kuda ke Aisopos

Kotavusa virda

Virda kotavon sanelayana, nuyon is faston romalvajana is rorubiana is rotanamzilina. Ickriluyun rokeem. PAG / DE.

Internetxo : www.europalingua.eu/KotavusaVirda

Bu : www.europalingua.eu/KotavusaVirda/17-e_otuk_03-2024

Sanegara : Bareaksat ke 2024. 17^e otuk.

Yunkexa is ewava : ewaveem abugaf gu roka ok nuyon rotamuzen ok rictayan gan digisik.

LIWOMBURA

Tula va liwa ke lana ombaliwa watson gu alto. Konaka gokosmana peryasafa ombaliwa.

Xantaza :

<https://kotava1837481.wordpress.com/2018/08/26/7-familles-en-kotava/>

1

Loma
AWALKEXIK

NUYUCA



Vasil Makux
(1927-1968)

Vasil Makux tir ukrainik va int teyvikeayas kevotceteson va kere-lera va Ukraina gan Sovietafa Tanara is va rossiafa tolgenira va Ceskoslovenska. Tici Toleafa Tamavageja, gan sovietafa rictaga zo koflinter aze sandon zo kopemaxoar.

Ba 05/11/1968, mal Kreccatik vavilapa ke Kilv, van Meruptesuca Viga iegason : « Va doevaf tuboniasikeem lubesit !! Va nuyafa Ukraina blit !! Va Ukraina blit !! » aze va int vikear.

Vasil Makux - Nhât Chi Mai - Homa Darabi - Jan Palach - Bobby Sands - Mohamed Bouazizi

Taneatomon win wegidol

Viele ayik va wegidol taneatomon wiyir, pune vudeyer nume, pedran gan ontinaltopo, yateyer. Voxe darpeon sonkeyer da in sotir zijnaf, pune tulaoweyer ise vanlaniyir. Azon, vofason da sulem somezider, in vliguyur eke fexayar ise ta jupara pu rumeik nafeyer.

Bata kuda nedir da gilitira va kivara ke mayakaca sotuvumeltar.

Kuda ke Aisopos, -VI^{eafa} decemda (kalkotavaks gan Yurani Andergan)